

皇
明
詔
令

皇明詔令目錄

卷之十五

憲宗純皇帝上

即位詔

天順八年正月二十二日

議尊諡勅

天順八年二月初一日

頒賞辭臣勅

天順八年二月初五日

上

裕陵尊諡詔

天順八年二月十五日

諭禮部營建

裕陵勅

天順八年二月十七日

議上 兩宮徽號勅 天順八年三月

遇變修省勅 天順八年三月十二日

尊 兩宮為

皇太后詔 天順八年三月初二日

太后諭選皇后令 天順八年三月初七日

冊立 中宮詔 天順八年七月二十四日

立帥府勅 天順八年七月二十八日

纂修 英廟實錄勅 天順八年八月十七日

廢吳皇后勅 天順八年九月初六日

再立 中宮詔 天順八年十月十五日

捕訪流賊勅

成化元年二月十八日

諭四川兩廣三司官勅

成化元年二月十八日

諭湖廣總兵官勦賊勅

成化元年四月初三日

恤刑勅

成化元年五月初十日

星變修省勅

成化元年五月十六日

承天門成寬恤詔

成化元年十一月二十七日

抄造紙劄勅

成化二年七月二十日

雷震午門修省勅

成化三年七月二十五日

慈懿皇太后遺詔

成化四年六月二十六日

慈懿皇太后祔陵廟勅

成化四年七月初二日

議大行慈懿皇太后尊謚勅

成化四年七月初四日

上大行慈懿皇太后尊謚詔

成化四年七月二十二日

星變修省勅

成化四年九月十九日

星變寬卹詔

成化四年九月二十六日

護送夷使應付勅

成化五年三月二十日

諭四川撫鎮官勅

成化五年五月二十三日

修省勅

成化六年二月二十二日

裁制進貢番夷勅

成化六年五月初二日

護送夷使應付勅

成化六年六月初五日

旱潦寬恤詔

成化六年八月初一日

恭奉勅

成化七年五月十七日

却都臣表請立東宮勅

成化七年七月二十一日

允請立東宮令禮部具儀勅

成化七年七月二十二日

修舉預備四倉勅

成化七年八月十五日

冊立東宮詔

成化七年十一月十六日

星變修省勅

成化七年十二月初七日

諭山東撫按三司弭盜勅

成化八年正月二十九日

賑卹京畿山東河南詔

成化九年四月十七日

諭三法司勅

成化九年九月十七日

再冊立東宮詔

成化十一年十一月初八日

追復

景皇帝謚號勅

成化十一年十二月十三日

景皇追復謚號賜宗室書

成化十二年十二月二十四日

修武備勅

成化十三年七月十四日

諭鄖陽巡撫官勅

成化十五年六月二十一日

取木料勅

成化十六年二月初一日

旱災修省勅

成化十七年四月十六日

遣中官會審在京獄囚勅

成化十七年四月二十日

遣官審錄在外獄囚勅

成化十七年四月十三日

賜晉王書

成化十八年四月十三日

主勅

成化十八年九月初一日

地震修省勅

成化二十年正月初四日

星變求言勅

成化二十一年正月初四日

星變寬恤勅

成化二十一年正月初七日

選東宮妃配勅

上

皇太后尊號詔

成化二十三年四月十九日

旱災寬恤詔

成化二十三年五月十七日

遇變修省勅

成化二十三年七月二十三日

遺詔

成化二十三年八月二十二日

嘉靖二十七年正月浙江布政使司校補

皇明詔令卷之十五

憲宗純皇帝上

即位詔

天順八年正月二十

二日

奉

天承運

皇帝詔曰朕惟我

祖宗誕膺

天命肇開帝業為生民主幾百年矣

聖聖相承志勤于治武功文德紹休前聞暨我

皇考皇帝恢宏政治二紀于茲厚澤深仁有以衍
皇明萬世無疆之祚不幸奄茲遐棄

遺命神詔付于眇躬顧哀疚之方殷奚遽忍於繼承
而親王文武羣臣及軍民耆老累表勸進誠
切意堅朕只得仰遵

遺命俯徇輿情於正月二十二日祇告

地

皇帝位自惟涼薄勉懷永圖嘉與中外親賢
率循至道惟敬是持惟誠是立惟仁義之行

惟古成憲是式庶臻于治康我兆民其以明年為成化元年大赦天下與民更始所有合行事宜條示于後

一天順八年正月二十二日昧爽以前官吏軍民人等有犯除謀反大逆子孫謀殺祖父母父母妻妾殺夫奴婢殺主故謀殺人盡毒魔魅毒藥殺人強盜不赦外其餘已發覺未發覺已結證未結證罪無大小咸赦除之敢有以赦前事相告者以其罪罪之

一天順五年七月初二日以後文武官吏監

生軍民人等有為事問發運灰運磚運炭納米納工擺站煎鹽炒鐵發充軍伴儀從膳夫等項悉還職役寧家文職官吏有賊者發回原籍為民其犯賊罪見問未結免追違者罪之

一天順元年正月以後至天順八年正月二十二日以前軍官總小旗將軍力士校尉舍餘人等有為事發各處充軍為民立功哺瞭除失機謀逆黨類強盜人命外其餘各還職役文職官吏監生承差犯罪發各處充軍者放

回原籍爲民天順五年七月以後在京文職
罪犯貪淫斷發降調及充軍爲民者悉送吏
部選用

一內外法司囚犯見追贓物未完者悉免追賠
有因人命未明強盜追無贓仗年久不得歸
結者具實奏聞區處

廣東廣西湖廣四川江西浙江福建雲南貴
州等處賊寇生發多因官司採買物件守令
不得其入以致饑寒迫身不得已而嘯聚爲
盜情犯雖重詔書到日有能悔過自新者悉

有其罪聽從復業本分生理所司加意優恤
勿究前非戶下拖欠稅糧等項悉皆蠲免仍
免雜泛差役三年

一天順六年十二月以前各處軍民人等拖欠
稅糧子粒草束農桑人丁絹絲門攤商稅戶
口食鹽米鈔諸色課程鹽課魚課差發金銀
馬匹等項除已徵在官者仍送原定衙門交
納中間有被水火盜賊所在官司告有堪信
文憑到部者悉與除豁未徵之數俱各蠲免
其成化元年稅糧以十分為率俱免三分

一夫順七年各處奏報水旱經過巡按官員
勘明白具奏者悉與除免

一天順七年十二月終以前各處歲造織造紵
絲紗羅曾經起解該庫驗退追賠者并節次
原派浙江等布政司直隸蘇松等府織造改
機紵絲紗羅等件及織染局節次坐派織造
上用供用賞賜用紵絲紗羅綾絹等件已完
者照數起解未完者織完解京已徵絲料者
准作歲造之數未徵蠲免差去內官人等詔
書到日即便回京違者罪之

一自天順七年十二月以前各處歲辦野味皮
翎觔角課鐵生漆翠毛銅線鐵線槐花烏梅
蒲草蓆草蘆柴松香榜紙書籍魚油翎鰓皮
張折納銅鐵油漆黃白麻及派辦杉松榆槐
木杉木板水竹長節苦竹軟篾箬葉棕毛白
圓苕簾蓮包荊條葛指馬連根雜草黃真牛
皮水牛皮底皮山羊皮白甸驢皮白綿羊皮生
漆鐵線土硝缸砣土紅土磁末麥穗稻皮毛
纓銀硃青碌顏料黃白蜡金箔油椿木等項
除成造軍器供應器皿漕運船料并預備

賜皮張羊毛外其餘已徵在官者仍令起解
未徵者悉皆蠲免其已解梨木板不堪者所
在官司收貯別用及拖欠納欠追補賠償者
各項物件盡行蠲免不許內外衙門朦朧奏
請再行追徵敢有將已徵捏作未徵者治以
重罪

一內外各衙門通年坐派柴炭數多軍民採運
艱難宜從撙節以十分爲率量減五分天順
七年十二月以前拖欠未完者盡行蠲免其
惜薪司糧柴夫存留二千名其餘放免易州

等廠採運人夫量減三千名以蘇民困

一住坐軍民人匠先因在逃有墩鎖上工及充
軍事例今後提解至日止照常例發落並免
墩鎖充軍及見在應役者有年六十以上并
未及六十而篤廢殘疾不堪工作者有司驗
實放回輪班人匠自天順七年十二月終以
前失班者悉皆寬免及有一戶應當住坐又
關勘合輪班者免其輪班有原領勘合三二
名以上者止令一名輪班其餘悉與宥免正
統年間以後有挾讐妄報并一戶分作二三

戶輪班當匠有司曾經勘明者止當一匠餘皆除豁勘合繳部

一各處衛所季造軍器自天順七年十二月終以前拖欠未完者悉免追造其闕過有司各衛所自備物料見數明白准作天順八年以後之數不許指此因而侵欺敢有故違者治以重罪

一南京內府各監局司庫成造一應物件及工部造成馬槽馬椿等項詔書到日悉皆停止以後缺用在京該衙門成造兩京成造光祿

寺器皿及餽養牲口槽鑊鍋桶磨盤等件自天順五年以前拖欠未完者盡行蠲免

一江西饒州府浙江處州府見差內官在彼燒造磁器詔書到日除已燒完者照數起解未完者悉皆停止差去官員即便回京違者罪之

一在京在外軍民騎操孳牧原養寄養馬匹種馬駒自天順八年正月二十二日以前一應倒死虧欠走失被盜等項悉皆蠲免

一南京馬快船隻到京公幹例該聽候半年外

其餘有裝運物料前來到京者許令總小甲將原領勘合批文赴京投收候有內外差使官員奏聞合用船隻數目該部方許依數差撥以遵舊制

浙江福建江西陝西臨清鎮守內外官員詔書到日即便回京其各處邊鎮內臣正統年間原有者照舊鎮守原無者即便回京不許稽遲

差去下番內外官員人等詔書到日即便回京原賚錢糧交與鎮守官收貯隨後差人送

來

各處內外官員人等今後不許進貢馬匹鳥獸水陸品味及本處所產一應物件庶免擾人違者罪之

差去各處採買物件頭畜及緝訪事情等項內外官員旗校人等詔書到日即便回京敢有遲延責罪不饒

各邊官軍今後凡殺賊寇所獲馬匹頭畜財物器用等項聽自收用不必入官總兵等官不許侵收分用備禦軍士有陣亡病故所在

官司稍歛送還本處

一今後軍民詞訟除謀逆外其餘輕重情詞悉自下而上呈告如有驀越赴京者法司即治以罪仍將所告情詞發回本處問理不許輒便擬奏差官去外提解攪擾軍民違者罪之一問刑衙門有抄提在官人口犯該反逆應連坐未給配安置者開奏定奪其有律不該載者悉放免原沒官房屋田產給還住種照舊納糧當差

一吏典記名放回原籍聽取中間有老疾寫字

粗拙不堪役用者聽所在官司正官從公揀
選就發爲民當差堪用者聽後取用

一丁憂起復給由給假等項官吏人等除例限
外有違限一月之上雖無文憑亦免問罪其
官員有住原籍年老篤疾路遠不堪起送者
聽合干上司具奏准令就彼冠帶照見行事
例致仕閑住

一在京富戶及府軍前衛幼軍今後如有事故
不必僉補各處原起民壯民快除有賊去處
暫留外其餘盡行放免歸農

內外文武官員旗士人等有住支祿米俸糧者詔書到日照舊關支

各處軍民饑荒關過賑濟倉糧悉免還官今後如有荒歉去處軍民缺食有司不必申請即便賑濟

四夷進貢馬匹悉照舊例就於各邊衛分撥軍騎操不必解京

一醫生厨役樂工人等果有年老不堪應役無丁替者放爲民有司另行僉補其起取樂工係良入者仍發原籍從良當差

一各處清理起解逃故等項軍解有違限一年
之上軍發邊衛解人發附近衛分充軍者及
有因違限在逃等項事未發露者悉與宥免
軍還原衛解人寧家當差

一逃軍逃囚逃匠人等詔書到日爲始限三箇
月以裏赴所在官司首告與免本罪軍還原
衛民放寧家匠仍當匠

一凡問囚犯今後一依大明律科斷照例運磚
做工納米等項發落所有條例並宜革去及
計深文妄引參語濫及無辜其有奉旨推

問者必須經由大理寺審錄毋得徑自叅奏
致有枉人文職犯賊者原籍爲民枉法滿貫
者照舊充軍軍職侵欺滿貫者不許管軍管
事帶俸差操

山東浙江福建廣東所屬沿海衛所并直隸
金山等衛所備倭旗軍月糧減支六斗者詔
書到日爲始每月加支米二斗候有糧之日
全與關支

一天順元年有因姦黨充軍者放回原籍爲民
其正犯典刑家屬充軍者亦皆放免房屋田

地入官者給還住種其因連累復職調衛者
仍還原衛

一天下軍民邇年以來貧困已甚各處一應造
作除修理城垣倉廩運河指實具奏定奪外
其餘內外衙門并寺宇塔廟房屋墻垣等項
造作一應不急之務悉皆停罷與民休息各
衙門不許擅自移文興工在外軍衛有司非
奉朝廷明文一毫不許擅科一夫不得擅役
違者重罪不饒

一永才宜廣天下官員有才能出衆屈在下僚

者許六部都察院堂上官保舉民間經明行脩隱於山林者許府州縣正官薦舉俱聽吏部量材擢用

一學官有舉人署職九年考滿該陞年四十以下有願會試者聽

一各處帝王陵寢及名臣賢士墳墓有被人毀發者所在有司即時修理如舊今附近人民一丁看護免其差役其餘墳墓但有露棺暴露者悉與掩埋

一凡民年七十以上者免一丁差役有司每歲

給與酒十瓶肉二斤八十以上加與綿二斤
布二匹九十以上給與冠帶每歲設宴一次
百歲以上者給與板木綵寡孤獨者無所依
倚有司量加存恤

一孝子順孫義夫節婦有司即便開具實跡奏
聞旌表以勵風俗該部不許展轉參駁

一給事中御史職當言路今後凡朝廷政事得
失天下軍民利病許直言無隱若中間有官
員貪暴奸邪者務要指陳實跡糾劾在外從
巡按御史按察司糾劾

一以上諸條寬恤恩典詔書到日有司即便奉行如有延緩者以違制論許巡按御史按察司糾劾

於戲體元居正宜宏經世之規發政施仁用錫溥天之澤尚賴宗室親王文武賢臣協德一心恭勤乃事以弼予至治詔告中外咸使聞知

議尊謚勅

天順八年二月初一日

朕惟自古聖賢之君必有顯號徽稱用昭功德之隆垂之萬世而不泯焉此國家之盛典

仰惟我

皇考大皇帝仁同天地明並日月孝通神明澤被天下篤人倫之大道振治世之宏綱盛德之事不一而足萬機之繁優於獨斷邁往聖之英武係四海之歸心不幸奄茲上賓顧予冲人繼承大統明徵禮文必薦稱號宜咨輿論務協至公庶昭我

皇考功德之盛於無窮爾禮部其集文武羣臣定議尊謚擇日恭上

冊寶體予至懷欽哉毋忽故諭

頒賞羣臣勅 天順八年二月初五日

朕以眇躬嗣承大寶已推仁恩覃及四海顧惟在京文武羣臣軍民人等昔奉

先帝多効勤勞宜加頒賜以隆恩典所有等第開示于後故茲勅諭咸使聞知

公侯駙馬伯銀三十兩

一品二品銀二十五兩

三品銀一十五兩

四品銀一十二兩

五品銀一十兩

六品銀八兩

七品銀六兩

侯伯亡歿其子孫未承襲者及無子孫承襲者有妻母存者每名銀五兩優養軍官母妻見存者每名銀二兩將軍鎮軍勇士力士校尉養馬小廝軍匠馴象軍奴人等每名銀二兩操備及營造官員

一品二品銀二十五兩

三品四品銀一十五兩

五品銀一十兩

六品銀八兩

七品銀六兩

八品九品銀四兩

雜職銀三兩

操備旗軍每名銀二兩

優給幼官及孤寡老疾官軍

一品二品銀八兩

三品銀五兩

四品銀四兩

五品銀三兩

六品銀二兩

七品八品九品銀二兩

雜職銀一兩

紀錄幼軍每名銀一兩

會試中式舉人辦事官監生及太文生及
樂舞生順天府學生員每名絹一匹在外
聽選并公差等項文武官員

一品二品鈔一百錠

三品四品鈔八十錠

五品鈔七十錠

六品七品鈔六十錠

八品九品鈔五十錠

雜職鈔四十錠

生員吏典每名鈔二十錠

上 裕陵尊謚詔 天順八年二月十五日

皇帝詔曰朕惟自古英君義辟咸有美謚垂世以來
若二帝三王以及後世之賢主莫不皆然乃
國家之茂典不易之令猷也恭惟

皇考大行皇帝

英武之資

剛健之德嗣守

祖宗之鴻業躬勤政務於萬幾

至孝通于神明

洪恩被于黎庶嚴百神之祀享重賢士之登庸志
協羣情智周萬慮誕布文命慎簡兵戎立經
國之遠圖興治古之盛事

華夏蠻貊罔不歸心四海九州臻于熙皞不幸奄
棄臣民哀慟曷已允惟

祖宗之托深思荷負之艱矧繼述之方殷顧追崇之
敢後謹命在

廷文武群臣稽古禮文儀薦

謚號衆之衆論合于至公乃於二月十二日祇告
天地

宗廟

社稷奉

冊寶恭上

皇考大行皇帝尊謚

法天立道仁明誠敬昭文憲武至德廣孝睿皇帝廟號
英宗嗚呼

聖德允合於乾坤

神功光垂於宇宙豈名言之可罄尚丕顯於無窮布
告遐邇咸使聞知

諭禮部營建裕陵勅

天順八年二月十七日

勅禮部茲卜天壽山之右營建

皇考英宗法天立道仁明誠敬昭文憲武至德廣孝
睿皇帝

山陵祇薦陵號曰

裕陵如勅奉行

議上

兩宮徽號勅

天順八年三月

朕惟帝王之誠必先於盡孝國家之典莫大

於尊親恭惟母后寬恩柔順配地承

天表正六宮

母儀四海

母妃皇貴妃靜莊淑慎贊輔茂修鞠育耿躬備隆
恩德顧茲繼統之初宜舉正名之禮而況
尊尊親親義所當厚者也今謹上

母后尊號曰

慈懿皇太后

母妃尊號曰

皇太后惟寶冊儀章爾禮部詳定以聞欽哉故諭

遇變脩省勅

天順八年 月十二日

朕以菲德嗣承大統雖在疚中而敬

天恤民之心未嘗敢忽然自即位以來天災屢見近
於是月初五日風雹大作飄瓦拔木此乃
上天垂戒之意朕心深懼焉意者德有未脩而政有
未舉歟心有未誠而澤有未至歟抑爾群臣
怠慢不謹行事有乖上無以輔君德下無以
惠生民歟自今各宜恐懼修省恪恭乃事庶
足以回

人意特茲告戒尚其無忽故諭

尊兩宮為皇太后詔 天順八年三月

初二日

奉

天承運

皇帝詔曰朕惟大孝尊親著于典禮是以自古聖帝
明王之有天下靡不以尊親為重而亦未嘗
不致隆於所生傳序在予祇脩敢後仰惟
母后以坤德之懿配我

皇考昭宣化源而嬰疾有年燕喜弗兆于時贊理宮
闈相承

宗祀與所以迓續

天休而隆邦本者寔我

母妃之功之德是賴內治雍睦

皇考監焉予一人躬承

兩宮訓育至于有成嗣統之初敢忘圖報夫欲兼隆
於至養固宜各極於尊稱是用率籲衆心恭
稽古誼謹上冊寶尊

母后皇后曰

慈懿皇太后尊

母妃皇貴妃曰

太后至親大義庶幾兩盡無違然孝既盡於尊親
仁當推以逮下所有恤典合行條示于後

一親王郡王生子請名不拘歲數當封者悉遵
皇明祖訓稽年及十歲即請冊封親王有長孫授以
世孫給一品冠服郡王長孫授以長孫給二
品冠服

一兩京文武官七品以上未闕誥勅者若父母
見在先與誥勅封之不為常例

一文武官員曾授署職者詔書到日即與實授
一天順元年七月以後及天順八年正月止軍

官爲事降調不係叛逆黨類冒報功次失機
入命俱令復職回衛不願回者俱令管事差
操文職有因權奸排陷見在家爲民者及因
緝訪問賊爲民見在京伸訴者俱與冠帶閑
住

一在京在衛帶俸官員有願出外衛者許赴自
陳註與相應地方衛所管事差操

一將軍侍衛二十年以上者不拘在役退閑俱
與冠帶以榮其身

一文武官員以禮致仕五品以上者進階一級

若有廉貧不能自存衆所共知者每歲給與米五石以資養贍

一文武官員有因公幹在途病故者所在官司即與殯殮遞送回家若任所病故家小還鄉者官司依律應付脚力送回違者罪之

一兩京文職年近七十願告致仕者聽堂上官有離家年久欲照例給假回家省親祭祖者許令省祭

一吏部聽選官員取選不到有願告回家者不拘年歲俱令冠帶致仕閑住

卷之三
天順五年七月以後至天順八年止吏典犯罪問發重歷者悉免重歷逃者詔書到日自首免罪

一兩京監生積滯數多今後各衙門歷事考滿勤謹再歷三箇月送部聽選其有願教職雜職者聽若不能出仕願告回家者許與冠帶閑住其放回四十以上監生有志科舉許就本處鄉試

一民以農爲本有司時加勸督所在坡塘宜用修築以備旱澇至於耕牛所賴尤重不許軍

民宰殺買賣如有犯者枷號半年依律問罪
若有司縱容二體治罪不饒

一自天順元年以來抄沒入官田地許令所在
官司耕種照例起科

一各處小民衣食不給流移他鄉者詔書到日
各本土有司務要加意撫恤無牛具種子房
屋者即與設法措辦俾遂生業仍免糧草一
年雜泛差役三年違者究問

一上林苑監養牲入戶自天順七年十二月以
前拖欠一應倒死牲口悉皆蠲免

一各邊軍士比之腹裏勞苦尤甚為鎮守總兵等官不肯撫恤反行剋害有財者佔納月錢有力者役使耕種其不佔役者不免重差軍士受害如此豈有銳氣今後務要改過自新不許仍前佔役敢有違者許巡按官指實奏聞治罪

一各處都布按三司有因公務差遣官舍承差吏典下衛所府州縣幹辦因而索取財物擾害軍民今後若非重務止許行移所屬辦理不許差人其衛所府州縣官吏非因上司差

委不許下鄉擾民違者罪之

一軍民之家有五世同居不分異者有司勘議奏聞旌異以勵風俗有因貧乏婚姻過期詔書到日有司量給禮物定與期限成之

一各處僧人年二十以上無度牒者詔書到日即便還俗若有隱瞞年歲不肯還俗者并其本師問罪不饒

一各處有刁潑之徒起喊詞訟誣害良善挾制官府者許府州縣指實姓名申達巡按并按察司知會遇有犯者就發本處枷號半年治

以重罪

一府州縣有廉能公正撫字勤勞深得民心者
上司以禮相待仍具其政績奏聞以憑旌擢
若有老疾罷軟不能任事者從巡撫官考察
就彼放回冠帶致仕貪暴不才拏問如律
一今後御史公差回還照舊管事不必考覆清
軍者三年一替聽本院奏差

一雲南貴州廣西湖廣四川官襲職者該行委
三司體勘其委官多有徇私圖利取勘不公
以致互相爭鬪累年紛擾今後有告襲者委

官務要從公取勘定名會奏該部行令就彼襲職不必叅駁中間有徇私不公罪坐原勘官員

一在京在外有遊手好閑不務生業者所在有司即便記其姓名省令各務生業如不改者重加懲治其有孤老殘疾不能生業收於養濟院照例給與衣糧母令叫街乞食違者罪之

一朝廷憫念小民凡事減省今後不許差人出外買辦採辦物件有司不許仍前指以均徭

公用爲由科歛銀兩及因小故罰取財物因
而剋落入已其司府州縣官員亦不許額外
多貪皂隸侵漁小民但有違者許巡撫巡
官體訪叅奏治以重罪

一各處衛所軍士月糧多被該管官員通同
司納戶作弊虛出通關致令倉廩空虛及
糧在倉假公用爲名扣除剋減以致軍士不
得全支養贍今後不許仍前作弊如有
許巡撫巡按及按察司官叅奏拏問治以
重罪

一在外軍民之家有為盜賊曾經問斷不
改者有司即大書盜賊之家四字於其門
能改過者許里老親隣人等保管方與
之

一朝廷政治得失天下軍民利病許諸人直
言無隱

嗚呼養以天下未惟

二聖之尊福被後人茂衍萬年之慶布告中外咸
使聞知

太后諭選 皇后令 天順八年三月

初七日

皇帝奉

先帝之命婚期在邇必得賢淑為配然後足以
正六宮母儀天下上奉

宗廟之祀下隆國家之本先時已嘗採擇尚慮有
所遺忽爾禮部具榜諭京城內外大小官
員民庶有德之家務擇其父母賢善有家
法女子年十五至十八容貌莊潔性質
美言動安詳咸申禮度者令其父母送來
將親閱焉欽哉敬諭

聖訓 天順八年七月二十四日

奉

天承運

皇帝詔曰婚姻正始人道所重朕大婚之期

先帝有成命矣遽言即吉誠所未安茲者親王廷臣

累辭以請而

聖母慈懿皇太后

皇太后慈訓加切咸以繼承之重為言義既有在朕

敢故違謹昭告

天地

宗廟以天順八年七月二十一日冊立吳氏為皇后

正位中宮以共承宗祀奉養

慈闈庶享彝倫用化成於天下敷告中外咸使聞

知

立帥府勅

天順八年七月二十八日

勅鎮守廣東副總兵都督同知歐信巡撫右

都御史葉盛及巡按御史都司布政司按

察司今得給事中孫敬言先該總兵等

歐信葉盛等奏要於兩廣中路梧州立

帥府掛印征蠻將軍總兵官鎮守兩廣

中節制東西各處副總兵左右叅將分
地方悉聽帥府調度欲便舉行且言於
州蓋立都察院理事協和總兵提督一應
軍務巡撫兩廣地方該兵會官議得所言
固為有理但未經兩廣官員會議來勅
至爾等即便查照事理公同會議可否
若依所言可以弭盜安民經久利便毋
徇於因循而憚更改如果無益於民非
經久之策毋或苟徇人情虛為應荅爾
等其體朝廷之至意務要從長計處停

當各另具由明白回奏毋分彼此偏私
拗互相推調猶豫不決以致誤事欽此
勅

纂修 英廟實錄勅 天順八年八月

十七日

皇帝勅諭禮部朕惟自古功之實莫不載諸簡冊
以昭示於後世我

考英宗睿皇帝以聖哲之資文武之德繼承

宗大業先後二十餘年仁德被於四海功業昭

于兩間宜有紀述垂示無窮爾禮部官

遵

祖宗故事通行中外采輯事實送翰林院編修某
以太保會昌侯孫繼宗為監修少保吏部
尚書華蓋殿大學士李賢吏部左侍郎兼
翰林院學士彭時為總裁禮部右侍郎李
紹太常寺少卿兼翰林院侍講學士劉定
之南京國子監祭酒吳節為副總裁學士
等官柯潛等為纂修所有合行事宜照例
舉行故諭

廢吳皇后勅

天順八年九月初六日

朕惟皇后所以共承

宗祀表正六宮母儀天下非德性淳淑禮度閑習者不足以當之朕勉遵

先帝之命冊立皇后不意太監牛玉偏徇已私滕
驪將

先帝在時選退吳氏於

母后前奏請立為皇后朕觀舉動輕浮禮度粗率畧無敬謹之意詩云靡不有初鮮克有終初尚不謹何以克終如此而欲望其共承

宗祀表正六宮母儀天下難矣今不得已請命
于

母后昭告

天地

宗廟廢黜吳氏退居別宮閑住嗚呼朕負_之
重處禮之變罔立中宮為風化之源不幸所
遇如此豈得已哉敷告群臣悉予至意故諭

再立

中宮詔

天順八年十月十五

皇帝詔曰帝王為治莫先於正家之道必自大

婚始惟

先帝臨御之日常為朕簡求賢淑已定王氏育于別宮以待期矣逮至期憑几顧命猶以婚期責成有司朕于時執禮彌甚未敢遽從矧敢與知其事不意內臣牛玉偏徇已私朦朧奏請

皇太后將已退吳氏復選冊立禮成之後朕觀吳氏德不稱位因察其實始知非預定者夫既遵

先帝之命以成禮而乃違命立非其人何以表言

闕而相祭祀興言及此內疚于心用是不
得已請命

母后明正牛玉之罪廢黜吳氏不敢以歲月緩自
念與其非人寧虛厥位而在廷文武群臣
再三陳請中宮不可久虛義正詞切朕難
固拒今勉強從所請仍遵

先帝成命冊立王氏為皇后嗚呼自古人倫有常
有變變而得正何憚弗為茲朕是舉匪獨
正家抑恐上負

先帝選授之命於心有不安焉誕告多方使明知

除倭圖自新故勅

捕防流賊勅

成化元年二月十八日

勅巡按江西監察御史陳以選都司都指揮同知王貴
布政司左布政使以翁世賢按察司按察使林
鷄等今得爾等奏報廣東流賊越過贛州府
龍南縣攻破縣治燒毀房屋驚散人民并會
議調用官軍區惠振鮑等項具悉勅至爾等
公同計議如前賊倘彼處流劫未退就便着
令原委都指揮等事樂昇分巡右丞政揚文
琳副使呂昌統前項官軍民快人等會合

備禦贛州等處都

指揮僉事馮廣所領官軍

相機設策併力勦

捕倘或賊勢衆大兵力不

及即於衛所縣丞

調官軍及募集民快前去

策應軍前合行去

宜悉聽各該領軍三司官

員從宜處置合

糧餉亦聽布政司分巡官

從宜措辦供給

以令嚴飭兵備弗以前賊暫

退輒便散回必

以賊徒遠遁地方寧靜方許

將調去官軍民

以人等放回一面呈馳奏聞

且贛州府龍南

縣信豐縣南安府大庾上游

并吉安府龍泉

小寧諸縣俱廣東湖廣接壤

距流賊出沒地
禦寇保民之策
另委酌當官員
守捍禦隨機應
侵犯人民安生
循怠慢互相推
方畧致使民受
決不輕貸爾等
不滿百里爾等摘須預計
以令前項委官分軍防護或
台量賊勢緩急起集軍民操
要要在得宜務俾賊寇不敢
示業庶見爾等之能如或因
訛名為發兵勦捕實無殺賊
余毒地方不寧則罪有所歸
其懼之勉之故勅

諭四川兩廣三司官
成化元年二月十

八日

朝廷設立三司專爲撫軍安民禁治盜賊猶恐
政有不舉又差御史輪替巡察俾各盡職我
祖宗原創制立法周密如此若人人盡職何患地方
不寧近者四川兩廣賊寇猖獗人民受害已
數年矣推其所由蓋因官不得人之故今給
事中御史劾奏三處三司等官多係貪酷不
才有以激變於前及賊寇生發却又因循推
調不能禁治于後朕以此等悞事官員若依
祖宗法度當時永樂正統年間山東福建草寇生發
事例重罪處治但朕即位紀元之初不欲遽

以嚴刑加人姑且從輕發落以見任者依律
住俸降做爲事官今其戴罪殺賊改任者依
律住俸三年累年巡按御史亦各住俸以示
懲戒慮恐爾等不知警懼特降曉示今後各
宜洗心滌慮務盡乃職管軍者必須撫恤訓
練使皆可用管民者必須愛養綏輯使不失
業居風憲者尤當扶善抑惡除奸革弊使軍
民各得其所倘奸頑之輩不守法度嘯聚爲
非者爾等即便同心協力量用軍快早爲撲
滅不許因循隱蔽養成大患爾等若不警省

致有踈虞祖宗之法具在必不輕宥爾等
勉之慎之故勅

諭湖廣總兵勦賊勅 成化元年三月

初七日

朝廷命總兵官各處鎮守兼禦盜安民
而已若為總兵官者能振作軍威控制
一方則賊寇自然屏息何患地方不寧
且四川兩廣賊寇猖獗連年不息蓋因
官不得人之故今給事中御史劾奏彼
三司等官罪故并劾奏總兵官無勇

無謀失機悞事已將見任者住俸降
做為事官戴罪殺賊改任者亦住俸
三年以示懲戒爾當以此為鑒申嚴號
令訓練官軍遇有賊寇生發就便運
謀奮勇即時撲滅毋致滋蔓貽患地
方爾受

朝廷重寄當以地方安危為已任倘有踈
虞罪不輕宥爾其勉之慎之故諭

恤刑勅

成化元年五月初十日

朕惟刑法乃輔治之具治天下莫要於此然

持法固在於嚴而用刑尤貴乎當持法嚴則
人不敢犯用法當則人自無冤自古帝王未
有不慎此而能治天下者肆朕即位以來恒
盡心焉惟恐用法不當致人冤枉有傷天地
之和爾等職任法司豈可不體朕心而有所
輕重於其間哉且如犯人趙春等妖言事發
爾等自當原情定罪以合至公今乃畧不究
心既有一千人犯問依傳用妖言却將首犯
坐以謀事同律異情輕重不倫朕詳閱之不
能無疑及今再問方將首犯坐以妖言之罪

如此於律始合且當其情即此一事觀之爾等平日用法可見已往者不究今後爾等務要精白乃心慎用刑法凡大小罪囚俱要情真罪當毋高下其手毋徇其心毋迎合以要譽毋顧忌以自全毋偏執已見以爲正論毋順私情以乖公道夫然後可以弼教輔治克副朕慎刑之意不然惟爾弗任爾等其欽哉故諭

星憲修省勅

成化元年五月十六日

朕以眇躬嗣承

祖宗鴻業代

天理物負荷惟難茲者

玄象示警朕甚懼焉永思厥咎罔知攸措用是減膳
節用齋心于便殿將親露禱于

昊天上帝引咎責躬修明庶政爾在廷文武羣臣皆
佐朕以行政者也上下一體休戚惟均其自
今日始致齋三日同加脩省務各秉乃誠各
恭乃職勵精治理毋事因循爲德爲民必臻
實效凡諸衙門有曾經具奏買辦採辦物料
于民間者悉皆停止其有營造亦暫停免過

夏候秋涼興工以便吾民於戲朕爲

天之子爾羣臣與朕分治天職克謹

天戒理所當然自今有可以匡輔不逮者尚無有隱
爾等其欽承朕命毋忽故諭

承天門
成寬恤詔 成化元年十一月

二十七日

奉

天承運

皇帝詔曰自古天子闕廷門必有五所以表都會而
聳觀瞻也肆我

宗建都必精其制乃者天順元年七月初六日承
天門災

先帝用是深自警惕已加恩於海內矣然於制在所
必普而遲久不欲遽者存

天戒也朕嗣承大統今已踰年繼志述事罔敢怠遑
顧茲存戒之已久重惟古制之宜備特命所
司興工營造以今十一月二十七日告成夫
門以承天爲名必緩刑以體好生之仁修政
以戒從欲之志庶幾克享

天心永昌國祚所有寬恤事宜條示于後

一 成化元年十一月二十七日昧爽以前官吏
軍民人等有犯十惡強盜人命不宥外其餘
已發覺未發覺已結證未結證罪無大小咸
赦除之敢有以赦前事相告言者以其罪罪
之

一 成化元年十一月二十七日昧爽以前文武
官吏軍民人等爲事運磚運米運炭做工等
項未完擺站煎鹽炒鐵充軍伴當儀從斗級
膳夫拘役立功守哨年限未滿詔書到日悉
宥其罪各還職後文職官吏有犯貪淫罪者

不拘已未發正俱發原籍爲民其官吏軍民人等有因奸黨等項問發邊遠爲民者悉放還原籍當差

一逃軍逃囚逃匠人等并將軍力士校尉有在逃者詔書到日限一月以裏赴所在官司首告免本罪

一内外法司凡有伸訴冤枉中間事情明白可辯者即與從公查勘分理事難定奪者明白奏聞區處

一天順八年三月初二日以前爲事降調充

軍立功等項軍官遇例復職回衛中間
有原係管事者俱令照舊管事今後軍
職有犯枉法等項例該降者免降俱發邊
方立功五年滿日復職仍還原衛帶俸差
操

一見監強盜人命有賊證未發身屍無存拘
於成案難以發落行勘未結者有司奏請
定奪

一成化元年各處奏報水旱災傷曾經巡撫
巡按官具踏勘明白具奏者即與除豁其

各竈戶糧草折納引鹽曾告災傷并拖欠
黑土課米等項及成化元年以前消化鹽
貨行勘是實者悉皆蠲免

一各處軍民解納糧草農桑人丁絲絹門攤
商稅戶口食鹽米鈔并諸色課程除已到
外有納欠年久追賠未完者自成化元年
十一月已前悉皆寬免其成化二年以後糧
以十分爲率俱免三分

一各處起解糧鈔等項中途有遇水火盜賊
曾經所在官司告勘顯跡明白申達到部

者悉免追賠敢有乘機通同作弊欺入
已事發到官治以重罪不宥

一兩廣四川湖廣賊盜生發去處軍民為因
飢寒所迫流移他處不得已相聚為盜詔
書到日許令改過自新免其本罪所司不
許違擾聽其復業免其戶下稅糧差役二
年官司善加撫恤

一兩廣地方盜情未息今後除授官員除
方面府縣外其餘大小職事不拘鄉貫就
將本處人員除授地方稍寧仍昭舊例施

行

一各司府州縣被災去處原派買辦採辦石大青銅青砂碌及皮張毛纓等項除已徵者照舊起解未徵者悉皆蠲免

一各處軍衛有司該造軍器弓箭弦條魚翎等項自成化元年十一月二十七日以前拖欠未完者暫且停止候成化二年秋收之後照例起解其有關過有司并各衛所自辦物件者照舊成造不許侵欺違者罪之

一自成化元年十一月二十七日以前各處
歲造織造紵絲紗羅等件曾經起運到庫
驗退追賠其成化元年減去農桑之絲三
分者該造段匹照依減去絲料減元三分
待成化二年照舊織解

一南北直隸河南等處係災傷地方倒死
走失被盜等項一應該追孳牧騎操馬匹
所司曾經具

奏者俱停候次年收成追補還官今後各
處孳生種馬三年牧用一駒未為定例

其各處原養馬賊罰等項該追倒死走失被盜虧欠騾馬牛羊及屯種牛隻自成化元年十一月二十七日以前盡行免追

於戲君以敬

天勤民爲大覃恩宜徧於遐邇臣以輔君行政爲先舉職務勤於夙夜必上下盡交修之道斯海宇臻至治之隆布告多方咸使知悉

抄造紙劄勅 成化二年七月二十日

勅江西巡按御史并布政司按察司今因內府缺
欠紙劄應用欲照舊差人前去監造但念
彼處連年水旱災傷田禾不收米價湧貴
人民艱難以此特命爾巡按御史督同布
按二司各委堂上廉幹官員專以提調合
屬委官將工部坐去未抄各色紙數照依
原降式樣於無災州縣上戶之家措辦物
料中戶之家量起夫匠如法抄造務在精
製完好每半年一次差的當官員將見完
紙劄管解赴部交割其造抄人夫須要加

意撫恤斟酌勞逸時其飲食不許逼迫
殘害生事科擾務從便設法措辦毋致
下人嗟怨造辦數足即將人夫踈放如
不依式樣及不精製怠慢遲悞治罪不
饒

雷震午門修省勅

成化三年七月二

十三日

勅諭南京文武羣臣朕惟南京本

太祖高皇帝創萬世大業之處所係甚重乃今年
六月十五日雷震于午門

天之示戒夫豈徒然朕用是敬以修省戒飭
在廷百職事勉修厥職以假穹聽咨
爾南京守備叅贊之臣屢致人言豈
無所由曷各改屬以展來郊其餘百
司庶府勿謂朕耳目所不足以隳廢其
職守以自逸背公向私益饜其所欲以
自棄當言者言勿謂時不我從當事者
事勿謂上不我用朕將稽其言之當然
而從考其事之成功而用焉典禮必恪
神乃歆戎政必練邦乃固賊後必慎民

乃富屈折必僭僭乃清無以慢取諱
怠以忘戰無培克以為能足國無慘酷
以為能去惡惟趨於大中至正以稱朕
意惟

天心其祐焉故勅

慈懿皇太后遺詔 成化四年六月二

十六日

慈懿皇太后遺詔內外羣臣予以菲德獲配
英宗皇帝奉承

宗廟輯寧邦家多歷年所不幸

裕陵上賓予惇嫔鮮祐賴

今皇帝荷

天之休光嗣不圖海宇奠安予與

皇太后同受天下至養又四五載慈孝雍和亦
既兩盡茲于壽命有期未終天年復
侍

先帝左右於素願蓋無歉焉末惟

祖宗創業垂統弘大崇重

皇帝宜以萬機為意不得過於哀戚成服三日後
聽政中外文武羣臣協志効勤助臻化理

以來無疆大歷服喪制悉遵

先太后遺制以日易月二十七日而除君臣皆同
無廢宗社百神常祀母禁中外臣民音
樂嫁娶宗室諸王藩維攸繫不必赴京
送葬但遣人進香在外大小文武衙門
茲免進香特茲告諭其遵行勿或有違
乖予風志

慈懿皇太后祔陵廟勅 成化四年七

月初三日

勅諭文武羣臣

太行慈懿皇太后合祔

陵廟固朕素志但

聖母疑事有阻妨未即俞允朕心終不自安再三
據禮祈請

聖母開諭特賜允諾卿等其如前議施行勿有所
疑故諭

議 太行慈懿皇太后尊謚勅 成化四

年七月初四日

朕惟有其實者宜享其名其實尊崇則其
名光大此隆古以來至於我

大明莫不由斯道也惟我

皇妣大行慈懿皇太后當我

皇考英宗睿皇帝臨御時天作之合曰嬪于京孝

敬仁順以奉

宗廟以嗣徽音以儀于宮闈以御于家邦繼予冲

眇夙受

慈訓是賴既尊崇為天下

母方期永膺天下至養俾予並侍

兩宮聖母以廣至孝豈非榮慶而

昊穹降割仙御弗留哀曷如焉永惟

皇妣尊崇之實著于存時允若茲矣今為光大之名當有謚號以鏤冊環寶告于

郊廟敷于寰海垂千萬億世爾禮部與羣臣會議來聞欽哉故諭

上 大行慈懿皇太后尊謚詔 成化

四年七月二十二日

皇帝詔曰朕稽古聖君政隆孝道固謹於其始尤嚴於其終是以薦徽稱垂永世實今所當遵用惟我

皇妣大行慈懿皇太后配我

皇考英宗睿皇帝正位坤宮殆將二紀逮予紹休
聖緒尊奉

母儀並膺至養亦閱五載

懿範仁恩自家行國宜壽萬年而遽升遐思
罄送往之誠惟崇婉美之號是用博采
廷議於七月十九日祇告

天地

宗廟

社稷恭上

尊謚曰

孝莊獻穆弘惠顯仁恭天欽聖睿皇后

於戲

陵廟祔于

先皇允符天地高厚之配

聲名溢于四海施及日月照臨之區播告遐邇咸

宜知悉

星羅省勅 成化四年九月十九日

朕嗣丕圖惟

天地眷佑是賴然弗克正于心修于身近無以輯于

家邦遠無以寧于海宇將奚以格

高厚神祇乃今年八月癸巳京都震九月朔以事
見北斗朕自齋精滌慮以改過自新祇告

天地非徒言之固將躬行之爾文武羣臣輔

朕猷爲受朕委託分職布任於中外者尚各警其怠
忽因循之習革其欺公徇私之弊堅其忠藎
不移之操固其廉慎不汚之節豈惟爾之無
玷

天將鑑之以不致罰朕將資之以撫世御宇不負所
使朕之兵民將由之以不失其所邊圉強固
而閭里殷富三光全于上九域安于下豈非

君臣同德之效與爾文武羣臣其圖利之故
諭

星變寬恤詔

成化四年九月二十

六日

奉

天承運

皇帝詔曰朕嗣無疆大歷服夙夜是祗靡敢荒怠然
德弗加隆政弗臻治荷

天心仁愛屢出災異以示儆焉廼九月朔以來星芒
垂象逼台掃斗威譴尤切朕慄焉脩省永惟

斯人

天之赤子爰加惠澤期與更新庶幾仰當

上天眷命付朕以億兆之意所有合行事宜條示于
后

一成化四年九月二十六日昧爽以前官吏軍
民人等有犯除子孫謀殺祖父母父母妻妾
殺夫奴婢殺主毒藥殺人蠱毒魘魅強盜人
命不宥外其餘已發覺未發覺已結證未結
證罪無大小咸赦除之敢有以赦前事相告
者以其罪罪之

一文武官員知印承差監生生員軍民人等有
爲事見發運磚運石運灰納馬追罰馬匹做
工擺站煎鹽炒鐵充軍伴儀從膳夫等項悉
宥其罪各還職役寧家隨住其軍職例該帶
俸差操者照原擬發落文職官吏人等有犯
貪淫者悉發原籍爲民

一軍官旗軍將軍力士校尉舍餘爲事發遣各
處立功哨瞭者盡行放免還職役例該帶俸
差操者不許管軍管事有因失機問發充軍
者各照原職降二級就彼帶俸差操其已降

調及冒功人命者不在此例

一各處逃軍逃囚逃匠人等自詔書到日爲始限三箇月以裏赴所在官司首告以免本罪軍還原伍匠仍當匠民放寧家

一各處納欠稅糧絹布綿花等件爲因已徵在官之數雖累遇寬恤仍復追徵者自天順五年十二月以前悉皆免追其係小民拖欠未徵者自天順十年十二月以前亦皆寬免

一在京在外衛所官員拖欠屯種子粒例該住俸者照舊支俸今歲奏報水旱災傷去處如

果踏勘是實即與除豁稅糧子粒其上年拖欠者亦暫停止候下年有收仍徵補納其無災傷去處上年稅糧未完官吏里糧人等例該枷號住俸問罪者詔書到日亦皆寬免并限一年完納

一災傷去處成化四年人民戶口食鹽鈔米除已徵外未徵係全災者俱免輕者以十分爲率減免五分其廣東廣西陝西四川賊盜生發州縣亦免一年各處船料鈔貫舊額者徵此係新增者俱免除

湖廣江西上年災傷去處人民缺食巡撫巡
按等督所司取勘賑濟如本處缺糧卽於隣
近有糧去處借撥豐年抵斗完官隣近州縣
俱各缺乏無可措置者卽奏區處不許坐視
各處採辦歲辦藥材除已收在官起解外拖
欠之數悉皆停免凡災傷去處自成化四年
八月以前內外衙門節次派出一應竹木青
碌漆蜡羊角等料并派買牲口俱暫停止其
餘物料若已收在官者差人解納未徵者俱
各停免以甦民困各處歲造織造紵絲綾羅

紬絹曾經起解該庫驗退追賠者悉免追賠

一在京各營在外邊營騎操馬匹自成化四年

九月二十六日以前一應倒失被盜等項未

買補者暫且停追其陝西苑馬等衙門所養

馬匹有被虜寇搶掠者所司查勘明白亦皆

免追各處被傷去處軍民寄養馬驢并駒自

成化四年九月二十六日以前倒失被盜虧欠

等項不能賠償者所司查勘明白悉與宥免

一聽選官九年考滿例該陞用有年力衰邁不

能任事照依該陞品級給與散官致仕聽選

監生有老疾願回者與冠帶閑住雲南土貢
兩考役滿今後免起送赴部就於本布政司
給由照例調撥仍將考滿調撥緣由轉送吏
部知會

一 邸府旗校尉人等先調山東沿海衛分者悉
還原衛分差用及口外大同等處旗軍先因
連累調發兩廣者正身病故其子俱於原衛
補伍天順八年正月十七日以後官軍爲事
除調兩廣等處不曾到衛者許所在官司首
告送兵部改調北方沿邊衛所差操

一醫士厨役樂工有年老殘疾不堪應役無丁更替者悉放寧家爲民有司照名僉補樂工從良所司不許刁蹬留難

一各處見今清理逃故人匠等項除收成去處清解外其災傷地方曾經勘實者不分住坐輪班俱暫停止待下年收成照舊起解應役

一陝西固原等處土達滿四等反叛蓋因官司不能撫恤所致雖已調軍征勦情實可憐詔書到日除滿四等首惡不赦

外其餘果能悔過自新悉宥其罪有能
糾衆擒斬賊首來獻者量授以職兩廣
川貴大軍征勦之後有畏遁山林奔潛
海澳者亦皆宥免聽從復業生理仍免
賦役三年

於戲爾中外文武之臣旣撫治于人尚仰
畏于

天受職任事惟義是循理兵牧民惟仁是篤惟
朕憂是分惟玄鑑是祐故茲詔示咸使
聞知

護送夷使應付勅

成化五年三月二

十日

勅四川都司布政司今遣正使灌頂大國帥結列
領都劄巴中納副使都綱綽吉堅叅朶而
只巴并刺麻官著星士星吉中朶何等共
二十九員各原差來使臣領占巴藏卜楚
芹堅剌等賫捧誥勅賞賜段匹等件往烏
思藏等處公幹勅至爾等即便入番脚力
完備都司選差的當人員同禮部差去官
護送至天全招討司并黎州安撫司交割

回還聽彼轉送前去爾等尤須酌量應付
但在發用毋致悞事不許托此因而多科
及縱容下人生事擾害軍民以取罪愆故
勅

諭四川撫鎮官勅

成化五年五月二

十三日

勅總兵官右都督芮城巡撫右都御史汪浩等今
太監梅忠鎮守四川并行都司地方有
事須同心協慮從長計議而行毋得偏執
有悞邊務特諭爾等知之故勅

省躬勅 成化六年二月二十二日

朕紹膺景命六載于茲夙夜靡寧圖惟治理而自冬徂春災異荐臻雨雪不降朕慮民生弗遂憂切于懷永惟災咎之徵必由人事感召豈朕德育不修而政多缺歟抑爾群臣分理庶政者因循怠弛弗克竭誠盡公以輔朕之不逮歟循省所自宜各任其責致交修之誠朕將親率爾文武羣臣於二月二十八日恭詣

山川壇請禱先期致齋三日其各洗心滌慮

秉敬誠以格

神明致公勤以修職業務臻實効毋致虛文六部三
法司任政刑重寄宜公同計議凡政事未當
刑罰失中可更張者并有惠利可興舉冤抑
可伸理者悉條具以聞毋言有所隱將舉而
行之庶幾此誠心實致仰答

天心致休徵之應以福生民爾等欽承朕命毋忽故
諭

裁制進貢審覈勅

成化六年五月初二日

勅四川鎮守三法司等官近年各審朝貢人數過多

中間多有詐冒不實不安禮法在途生事攪擾軍民今後烏思藏地方止許照依舊例三年一次來貢其贊善聞教闡化輔教各王名下每三年各許差一百人或一百五十人俱從四川舊路入貢其國師闡師人等不許各另差人長河西董卜韓胡每年每處止許五十六十人或一百人來貢松茂州本處住坐番僧每歲止許三十人或五十六十人來朝若附近烏思藏地方一面照烏思藏例每三年許三二十人來朝勅至爾等除成化六年

已起送赴京外以後若遇烏思藏三年進貢
之期務要先行各邊守關官員將番僧人等
停留在官星馳申報三司各委的當官員一
員親詣本處督同守關官員嚴加審問果有
番王印信番字文書是實方與辯驗每起量
送五七人多不過十五人前來餘皆就彼省
諭回還聽候賞賜務照新定舊額不許過多
所進方物辯驗明白盡數差人送至都司轉
差的當人員伴送赴京其長河西董卜濟明
等處每次朝貢人數方物就令各該守關官

員辯驗申送三司會同審實每處量爲起送
人數該存留者存留如有審出詐冒之人即
將經該官吏提問發落今特降勅差通事賚
捧前來至日即令督都司差委的當官會同
賚至入番邊境土官衙門轉令選差慣曉烏
思藏路徑之人賚與贊善等王令遵依勅旨
而行爾等其欽承毋忽故勅

護送夷使應付勅

成化六年六月初五

日

勅四川都司布政司今差正使右覺義綽吉堅來都

剛答巴中柰副使都綱着冊領占朵而只巴
并刺麻官著星吉土中柰等二十八員各同
原差來使臣領占卜截楚芹堅剌等賞捧誥
勅賞賜段匹等件往烏思藏等處公幹勅至
爾等即便入番脚力完備都司選差的當人
員同禮部差去護送官至天全六番招討司
并黎州安撫司交割回還聽彼轉送前去爾
等尤湏酌量應付但在勾用毋致悞事不許
託此因而多科及縱容下人生事擾害軍民
以取罪愆其已故正使灌頂大國師結列領

占就令所司於彼處光相寺照依僧俗體例
安葬爾等其如勅奉行故勅

旱原寬恤詔 成化六年八月初一日

皇帝詔曰朕以眇躬君臨海宇惟

上天付畀之重

祖宗創守之難常懷惕勵罔敢怠遑豫異民物阜康
協于至治而志勤道遠厥效未彰比者災沴
荐臻京畿尤甚三時不雨一雨連旬旱澇相
仍民食缺乏循思厥咎在于一人百姓何辜
惟茲艱厄興言及此良用惻然夫篤近舉遠

者古之規視遠猶近者

朕之志爰惟憂勤之念普施寬恤之仁所有
合行事宜條列于後

一內外衙門見監問罪囚除真犯死罪不宥外
其餘徒罪以上降等發落杖罪以下悉加寬
免已有發做工運磚運灰納米等項未完者
悉皆宥免內有貪淫官吏監生知印承差賊
証明白發回原籍爲民

一成化六年順天等八府并各處奏報災傷曾
經官司踏勘明白者悉與除豁稅糧子粒馬

草其薄收者照依分數減免

一各處軍民有先年拖欠稅糧馬草子粒戶口食鹽鈔課并派辦買厨料果品等物順天等八府自成化五年十二月以前俱免追徵南北直隸并各布政司自成化四年十二月以前悉皆蠲免

一在京各營在外各邊騎操孳牧寄養馬匹并順天府南北直隸河南山東被災去處軍民孳牧寄養馬驢并駒自成化六年八月初一日以前倒死走失虧欠等項并有例停候買

補所司勘明悉皆蠲免其上林苑監蕃育良
牧等署今年有因水患虧損牲口具奏悉免
追賠

一南北直隸山東河南等處布政司被災府州
縣有拖欠內外衙門坐派採買松木長柴檟
木楊木榆槐雜木椽子窰柴蜀楮蘆葦蒲草
荊條糠粳麥穗稻皮土硝磁末墨煤麻觔牛
觔金箔銀硃貳硃白綿羊毛白硝羊皮紅真
黃牛皮白甸驢皮前截藍靛紅黃熟銅生漆
青油片三枝條西碌礪砂石大等青燒造鐔

甄紅土青土薰皮草採辦翎毛野味白山羊
角黑鉛紅花黃蜡青生銅苗竹水牛皮等
件料自成化四年十二月以前盡行停免已
徵在官者仍令起解不許因而侵剋

一各處起解糧草等項中途有遇水火盜賊曾
經所在官司告勘明白申達到部者悉免追
賠敢有作弊侵欺入已者事發治以重罪

一順天等八府山東河南等處被災軍民有承
佃住種各王府各公主府及內外官員之家
田地莊園拖欠租米自成化五年十二月以

前并今年見有災傷無收去處悉皆免追
一成化六年分各處食鹽糧鈔盡數蠲免有已
徵在官者准作下年之數以後只徵鈔貫不
許折收銀米等件

一成化六年七月初六日以前各處失班人匠
並免罰工止當正班及內外衙門皂隸馬夫
見在逃曠役者並免補役不許一槩勾擾
一長蘆鹽運司被災傷場分今年該徵鹽課即
與驗實際豁

一北直隸河南山東清軍御史俱暫取回被災

去處清出軍丁明年秋成起解無災去處仍
令司府州縣委官清解不許扶同作弊違者
罪之

一天順五年以前軍官有爲事調發兩廣等處
不曾到衛者文職有爲事問革爲民累訴究
枉者限十日以裏赴通政司首告軍官改調
北邊衛分差操文職無賊者令冠帶原籍閒
住俱不許潛住京師違者聽四隣舉首押發
邊衛地面充軍容留之家一體坐罪

一各處人民但有災傷缺食者有司設法賑濟

流移者招撫復業務體朝廷仁恤之心不許坐視民患

一各處預備倉糧本以賑濟飢民近該有司通同下人作弊多端民皆受害今後務要驗實放支抵斗收受不許過取合干上司宜用心提督毋事虛文

一荆襄南陽等處流民拋棄鄉土良可憐憫詔書到日凡一應罪犯悉宥不問該管官司用心撫諭願回原籍者照例優恤已住成家不願回者聽令附籍當差

一凡民間利有當興弊有當革及一應便民之
事許所司具實奏聞毋有所隱

於戲朕體

上天好生之德用嘉惠於吾民爾中外大小臣僚尚
體朕恤民之心務求臻于實效故茲詔示咸
使聞知

皇明詔令卷之十五